



中國地方志集成

寺觀志專輯 ①⑦

慧 力 寺 志	黃 堂 隆 道 宮 志	梅 仙 觀 記	青 原 志 略	廬 山 秀 峰 寺 志	廬 山 歸 宗 寺 志	廬山太平興國宮采訪真君事實
------------------	----------------------------	------------------	------------------	----------------------------	----------------------------	---------------

廬山太平興國宮
採訪真君事實

元人
彙編



廬山太平興國宮採訪真君事實序

陸四

夢當時使者之語以謂後五百年福及生靈

以曆考之自開元辛未至今行及五百年矣

元宗皇帝建祠以事而後世之名顯國朝累

聖崇奉神宗皇帝虔進聖號徽宗皇帝加上

寶冊而使者之位益重祀典益崇禮意益至

殊祥異貺影從響答其在斯歟義問來九江

適太守大卿胡公紘以清靜理郡政民神協

從甲戌春舉行舊典以義問攝祀事于太平

興國宮禮畢因觀山川之勝穹隆磅礴層見

疊出不可名狀是宜高真之所慎擇也宮之

道士有向師尚者清修自持且有心於闡宗

立教以使者應化之迹泯泯未傳求義問編

次義問不敢以鄙陋辭謹列于左方紹興二

十四年中元左朝奉郎通判江州軍州事兼

管內勸農營田事賜緋魚袋葉義問謹序

廬山太平興國宮採訪真君事實卷之一

分真初始類

考原

謹按

太上三天正法經云九天真王與元始天王

俱生始炁之先天炁未明鬱結未澄混沌太

虛浩瀚流冥七千餘劫元景始分九炁肇存

相去九萬九千九百九十歲有重君注爾時

既有一炁相去九萬九千九百九十歲清炁高澄濁炁下布

九天真王元始天王稟自然之炁故稱九天

之號九天司命者萬物受生之真宰也九天

丈人者眾真景德之宗師也九天使者監御

萬靈之貴神巡察三界賞善罰惡之總司也

又九天鳳炁元丘太真書云太上丈人下授

五嶽君却禍除殃其中曰九天真王者伏千

神使眾靈又南唐降現真圖記稱使者真君

有五號一曰九天真王二曰朱陵上帝三曰

火鍊真人四曰南上真君五曰九天採訪使

者

上帝錫之七曜平華九德偃月金晨玉冠九

光紅霄飛雲金羅之懷曳紅霄碧龍海嶽之
裳單衣羽褐朱霞霄衣紅玉霄裙六華銖衣
躡元朱光之履飛紅單舄執太元碧琳之圭
頌華翠簪佩九天採訪南上真君使者金冊
九元之劍五帝伏魔之印九天真王之印採
訪靈或攝邪之印授北極天帝五靈尊神吏
兵天丁之印五百靈官五帝三官三河四海
五嶽四瀆九江五湖十二河源溪女吏兵之
印白鶴師子擁御青龍白虎護衛六丁六甲
侍列左右九天仙女十二溪真陳奏樂部扶
桑大帝賜谷神王太極真人以為副從上三
皇時下降為九龍使者中三皇時為九都使
者下三皇時為元都使者黃帝時為真元使
者帝堯時為太清使者帝舜時為九疑使者
大禹時為元夷蒼水使者助禹治水成功周
穆王時為天靈使者唐元宗皇帝時為九天
採訪使者九元在三十二天之上統九億萬
諸天地人物應中國九宮九州九星分野太
一之數以定災福大小運炁陽九百六之災
臨諸分野各有天帝靈官主司也生化人物

大數甚多以九天配日月星宿照臨天下萬
國九州八極十方世界天人祿壽算數貴賤
能鎮生化之源者耶

太上真元元極大道玉皇尊帝太上老君高
居九天下臨真化故命九天真王受朱陵上
帝為使者威德備三清之法尊宗亞天帝之
位採訪之權靈通應感著於聞見皆可考焉
則知真王乃天中貴神所以分真宅靈下鎮
洞天福地利澤邦家體靈呈以闡慈代昊天
而示化累朝崇奉結紳信士庶欽仰靈昭
昭彰豈區區淫祀之比哉

見祥

元宗開元十九年二月十五日夜寢靈符殿
夢神人仙仗甚盛語帝曰吾是九天使者被
受混元正真玉帝太上老君勅命採訪九天
九地三界十方萬國九州八極內外觀察巡
遊較定天人祿壽生靈罪福建立採訪總司
九天司命真君開治舒州潛山九天丈人真
君開治蜀郡青城山吾今開治江州廬山可
於三山興置齋祠後五百年福及生靈言訖

而覺明日元宗宣諭群臣時宰相張說奏言
陛下夢且當春或恐未審帝乃設案焚香至
誠禱顯須臾雲鶴仙仗森布舍元殿前第見
使者乘青龍之車靈姿妙粹瑞相端妍帝為
虔拜使者以左手約之時見五百靈官九江
水帝十二溪真上清二十四位真人儀仗羅
列百官瞻望乃詔吳道子肖貌勅內供奉張
奉國及法師張平公等齋像詣江州命刺史
獨孤正縣令魏昌建祠於廬山之陰

宅靈

本宮係真君親擇勝地居廬山西北隅先是
明皇遣使搜訪山水佳處莫知適從舊傳有
居民陳氏所居平夷忽有道士踵門謂曰此
地宜使者廟基汝盍捨諸當獲靈佑陳曰願
也第家貧不能遽遷耳道士曰吾為汝遷謹
無費遷已汝身後為此方土地言畢而逝陳
愕然是夜風雷大作及曉陳家千山之南掩
矣今宮之左有地主祠血食一方靈通昭著
潯陽之義門陳氏即其後也宮基正坐聖治
峯前連引橫山在巽天醫之方自良臨震乃

得貪狼而歸玉兔生炁也天醫主拯救三靈
生氣主長養萬物道家以迴骸起死為功以
度人濟物為行真君宅之亦宜坐乙向辛皆
合天心左右龍虎蜿蜒盤踞互相捍禦十有
二重應十二辰大溪自巽入乾復四坤地別
有小澗發源聖治峯歷午未與大水合四面
方位周流無間冬夏不涸宮前案山名遊魚
上水孤峙宮前有同朝禮外案自瑞昌縣排
列以至蘄黃二州環望數百里重疊如屏障
襟江帶湖如拱揖此宮也聖治峯特高向於諸
峯左右群峯千巖萬壑為之輔翼南接虎溪
福地康真人道場葛仙翁鍊丹之井北跨詠
真洞天董真君種杏上昇之館後有呂仙翁
藥爐丹竈遺址存焉背抵五老峯倚天青壁
屏圍於外神人所居是豈偶然者哉

應真

初元宗夢見使者云建祠之處自有木植但
加工力而已及中使至得地于聖治峯前別
引橫山扶輿磅礴迤邐而下如頓萬馬基甫
定而巨木數萬隨水至至隨用隨足工役之

興常有神光如畫力作忘倦旬月告成中使復夢神人曰粉堊丹綠此地有之不待他求鑿祠之北五色具備或云是材也昔元江王布擬作宮殿之用沉埋湓浦以待今日吁異哉祠西長廊在巨澗狀流之上水聲如雷拜聞

於地中其祠號九天使者朝元宗御象九天使者之殿六宇南唐昇元二年就祠改通元

府山前今有

本廟太平興國二年

太宗皇帝改為太平興國觀宣和六年

徽宗皇帝御筆改觀為宮

彭澤縣志記其祠之初蓋有三月三日不風水忽暴發祠之山者復祠焉一也子粉維也二也生和求者夫西朝月也公慶二也謝二也生和求者雲雲香告新我頃雲收風息祭之日宇當登空會北光辰山燈遠照三也彭澤事變之歲時有數百人來慶云我從廬山過使者有女我我當酬女直慶云我從廬山過使

殿宇像設

九天採訪應元保運真君之殿神宗皇帝御書後殿與火

今乃王塑採訪居中左右侍立金童玉女靈官各二六丁六甲各六殿內兩壁畫上清太微二十四位真人殿外兩壁左畫十二溪真右畫九江水帝三江大王皆倣吳道子之本相貌奇古精神奮動殿前左防觀右護法閣

下驛龍金虎大將殿之左翼三官大帝殿右

翼四聖真君殿主廊左有道藏榜曰璋章寶

室于湖張孝祥筆貯經五百二十八函計五十二百八十七卷外九十九函未就

不曾頒降係右有天師堂榜曰正一之殿紹興二十八年十月內恭奉

高宗皇帝特旨於採訪殿後創建大殿專一

崇奉

皇帝御容本命賜名申福殿殿之右漳泉慈

濟真君殿殿之左三山濯靈澤龍王殿四年

敕封事紹定五年朔三清寶閣中塑九皇御

座左脇樓九天丈人真君像右脇樓唐元宗

皇帝像嘉熙四年閏十二月內

理宗皇帝賜御書三清閣三大字脩廊左右

各二十五間左畫採訪真君自三皇五帝以至

來賞善罰惡習仙祈嗣靈驗事蹟轉廊左右
各五間畫五百靈官僚天冠絳服如朝謁儀
相貌各異皆以次列係做唐待詔院畫亦近
代奇筆也脩廊中有石壇三成左有磚閣五
層上安洪鍾榜曰景陽右有磚閣五層上塑

朱陵大帝榜曰朱陵兩轉廊之間為內三門

榜曰紫元景曜之門張野內亭榜曰詠真洞

天張樸按舊記云得道劉德本遇仙人從遊

入詠真洞天所扁如此及見採訪考校世人

罪福而出階下有石一株舊記云有劉越者

從此出入康阜真人赴劉約叩此石而入會

于洞府今有亭曰劉仙石此外為外三門曰

太平興國之宮徽宗賜御書後漢書門接度

仙橋松杉蔚鬱徑皆石甃有亭臨驛路榜曰

天下太平亦稱大殿後有道紀堂吳說蓮池

運會堂抱一堂易山虛室虛室泡泉雲無

心堂易山聽雨軒易山跨碧橋何

書御書碑亭中右兩山道院共三十餘所依山傍水窓戶玲

右兩山道院共三十餘所依山傍水窓戶玲

龍誦聲琅然內有希微堂今仙泉洞天籟堂東梅竹幽還眼界清

靈澤龍湫中宮前有祝

聖放生池積金池左右龍虎環抱松風蘿月

清流奇石負隔人境真天下形勝福地

蓮花會

唐自建祠宇以後選差道士蔡仙覺益仙真

吳太清歐陽法明凌知隱焚修香火越明年

八月朔致醮落成是日江淮間士庶童叟

素之徒不約而集者數千人與成齊醮晝夜

不絕時蓮花盛開朝謁皆各捧一花為供爭

置殿陛之下喜相告曰此會殊勝盡命為蓮

花會普歲以此日同會于此祈年穀穰疢癘

花會普歲以此日同會于此祈年穀穰疢癘

花會普歲以此日同會于此祈年穀穰疢癘

花會普歲以此日同會于此祈年穀穰疢癘

庶幾使者垂祐錫羨以福我衆萬口一辭弄
拜而去出舊

採訪行

江東惠周彦質作

君不見開元天子全盛時高拱昭曠居無爲
人神和協天意得太史按謀書尾禧六宮深
鏤青春夜新月朦朧照臺榭金鈴不曳禁直
閑宸慮澄清鎮多暇嬪嬙衛宿昭陽宮時聽
禁鼓鳴丁冬恍然帝夢見神物千幢萬霧來
虛空陰雲滌蕩蕩天衢碧風伯雨師親執職天
地水府神官從後導前驅齊衛翼金車龍御
雲中央穆穆天表端圭璋霓旌鳳蓋翬晴影
縹緲鸞鳳聲琅琅爭傳天語青冥上低詣神
都駐仙仗自言帝命有司職領使九天躬採
訪側聞廬阜窮幽清願寄一畝管官庭懇懇
禱祀五百年自有至福覃生靈銀箭頻更春
漏短清寐忽隨雜唱斷覺來樓殿菲微間滿
目鶯花自零亂平明大駕朝明光坐對百辟
言休祥大臣不敢眩天聽指引六夢多詩張
宿齋致禱深深殿法從依然清晝現五雲掩

朕更分明不似昭陽夢中見千官稽拜齊羅
呼急詔道子丹青圖泥封密札下江左千門
萬戶成須臾史檣橫直戰康廬道驛使春秋奉
宸禱天香祝簡來九重黃柏題封皆御寶龍
樓鳳閣飛雲煙白晝往往巢神仙不知卜筮

歲月遠但見檜栢高參天年年八月蓮花會
奔走江淮貢金貝惟將正直壓妖氛豈止祈
禳致豐歲碧澗萬文噴驚濤青嶂千疊爭出
堯春雷駭烈蛟蜃變夜醮難還星辰朝吁嗟
杜史非虛實故恐誕誇渚曲筆遂令琬琰失
所傳勝事奇蹤散遺逸嘗聞宣子夢鈞天屏
息七日方言還又聞漢武事方術蕙帳清夜
來嬋娟遺方陳迹垂編策千古朝朝甚明白
矧茲休驗豈徒然指數年齡今五百上方至
德追唐虞旱變稷契勤都俞九夷百越隨指
呼幹轉萬化歸神樞禎祥嘉瑞無時無坐見
和氣周綿區餘波流澤施豚魚信哉神語誠
非虛小臣齟齬無嘉謨目覩美應徒嘻噓願
傳史筆今直書留示萬葉永永爲休符出本

廬山太平興國宮採訪真君事實卷之一

廬山太平興國宮採訪真君事實卷之二

宋朝崇奉類

春秋國醮

太平興國三年四月九日準勅江州

九天採訪使者可每年二月十五日八月十

五日係春秋兩節各致一祭當年七月初十

日江州申奏齋儀禮物開建道場三日滿散

設醮三百六十分青詞朱表係學士院降到

今本州永為定式三年郊祀禮畢遣中使齋

御名青詞朱表建道場五日設醮謝恩

醮意青詞

維年月日

嗣天子臣名謹以節屆仲秋遣某官於江州

廬山太平興國宮開啓秋祭

九天採訪應元保運妙化助順真君靈寶道

場三日兩夜滿散設醮三百六十分位以用

和天心地保國寧邦儲為天下生靈禳災祈

福謹上啓

九天採訪應元保運妙化助順真君伏以真

境粹清高穹杳邈苟精誠之不急諒降鑒以

滿散點詞

丙午郊祀禮畢奏詞

內峰就祀禮畢朱表

宣賜濕香

蜀免稅賦

賜金寶罕

尊大帝

遼應元保運號詔

元豐四年正月日詔曰運妙用跨太虛高極
於九霄遠際於八表巡遊上下博觀廣察是
惟江州廬山太平興國觀

九天採訪使者蓋天之貴神與世為福然隆
名徽稱歷代置而不講甚非所以各神明之
意可進號

九天採訪應元保運真君庶幾導殊祥獲嘉
氣以蒙覆生民焉故茲詔示想宜知悉

先是元豐二年本觀道士同智仙治舍基
於地中得土玉封城基固破之皆五色土
有銅錢一其文曰應元保運四字當將同
則至四年遠內侍廖維新及御書殿額
來賜及與錢文符合時知判給蔡本提舉
太平興國觀召本觀主首范問得實即以
其錢付廖維新表款迎經至觀之夕至殿道
士吳有終等開仙樂之聲書寫走開即止
其書異如此

祭告祝版

陟降上下高竊於九霄周遊巡行旁際於八

極鑒觀有度善惡無差美報未豐隆名久缺
爰通精意肅進徽稱庶俾黎元永膺福祉

醮慶進號青詞

道妙太虛化馳八極恭承庇佑積仰靈光冀
崇顯於上真乃加隆於懿號爛然寶宇揭著

重簷就祓齋壇嚴陳饌饌供庶延馳馭下賁琳
宮

同前朱表

臣言薦號高真揭題祕殿就陳饌饌供備致
潔誠敢不藏在昔神考嚴恭寅畏明德恤祀

帝用居歆百神受職發揚丕貺肇進徽稱謂
其顯仁利用兆於有形之始故曰應元錫羨

降康成是無疆之休故曰保運勅書扁榜奎
壁榮然霞衣綵幢金碧焜耀而典冊未備屬

在後人肆惟菲德紹休聖緒噫惟大道是興
惟前烈是承鋪張景鏐刊鏤嘉玉具舉緼禮

繼述先志伏惟精誠所嚮符應昭答孚佑眇
躬膺受多福相我有邦億萬斯年惟時報事

其永無斁謹言

奏告詞

至人無迹大道難名爰即舊稱登刊新冊遠
馳使傳祇告真官勅太卜以消辰命有司而
備禮仰祈靈鑒俯照丹誠享茲久闕之儀錫
以無疆之慶

祭告詞

妙道格天休功被物兩為靈誰可得形容祇
奉徽稱式嚴報禮消誠斯在招鑒惟時

奉上行禮詞

職典欽宗敢替靈承之義誠交於靈宜殫昭
報之文肆肇舉於徽章用恪伸於寅奉仰祈
歆答永介休祥

滿散詞

至神無象雖莫能名盛德在人姑從所示式
哀顯瞻肇薦徽稱莫享褒崇永綏福祉

滿散朱表

祇奉高真肇揚顯冊瞻太霄而在望被靈宇
以伸虔善利所加既作黎元之福純禧來被
更延景曆之昌

奉安玉冊離閣啓文

廬峯秀拔儼仙聖之真祠寶冊肇新煥熙辰
之盛典初屬禮成之慶敢伸妙供之修普洽
與情仰伸誠祝伏願至神昭格洞鑒宜符萬
壽無疆恢帝圖之廣大三時不害永民物之
阜康

滿散詞

惟廬嶽之名峯實天仙之奧宅夢符畫現雖
自開元之傳述遠名彰逸想真王之始應世
則帝王之佐在天惟耳目之司千齡昔紀於
元豐四字首加於徽號備茲縟禮屬在休期
鑒玉填金煥成章於雲漢臨軒發冊增偉觀
於江山顧熙事之嘉成消良辰而祝告伏願
威神臨格昭鑒居歆薰燎揭虔共仰九霄之
運虎鴻禧祉永言萬壽之期併敷錫於庶民
俾交欣於百樂

改觀為官

宣和六年七月二十七日御筆改觀為官給
事中王易簡奏乞降御書牌額遂賜御書曰
太平興國之官

是時迎奉御書牌額江行至太平州謝家灣
有項濟龍王登舟現金鱗五爪長尺餘盤
旋花枝之上護舟至池陽清溪有水聚三
四里皆呼為龍王自船中引首顧之池州
官民瞻拜忽爾不見○我途之初願卜吉
日建醮太官沿途阻風將失期限忽在真
州遇順風半月之程數日而至到岸則風
速如初預期不爽衆皆異之出與鎮紀風
保穰祝版

維紹興三十一年辛巳十二月己亥朔十七
日乙卯

嗣天子臣某近為邊鄙繇繇朝廷用兵乞賜
陰助掃除妖孽以速萬全謹遣右承議郎通
判江州軍州事臣鄭建中敢昭告于

九天採訪應元保運真君伏以國家祇奉神
祇載在祀典春秋時享固敢不飭欽惟

明靈宏垂護佑蠶茲妖孽犯我邊疆爰整王
師正緊神助掃蕩邊氛必臻清平嘉與含生
躋于仁壽尚饗

幸太后殿設醮兩座

第一醮意

皇太后妾韋氏謹齋十方鎮絲本命文綺詣
江州太平興國宮

九天採訪應元保運真君設普集道士一壇
於八月七日宿建

太上順天興國寶壇修奉

无上天羅玄都玉京紫微上宮三元玉錄道
場三晝夜滿散修設普天大醮三千六百分
延奉

高真用祝聖壽無疆皇國永固萬民樂業五
穀豐登次冀妾齒堅目明身強體健皇后吳

氏宮闈集慶校業繁昌

第一醮詞

祇承道蔭敢忘昭事之心仰扣天關持露忱
恂之懇伏念妾篤生聖主慶集慈闈年踰中
壽之高日備懍心之養荷上帝之眷顧撫小
己以戰兢迺捐脂澤之餘恭獻琳宮之邃謹
遵靈式用答微誠三千六百分之周天新沖
霄之下鑒一千二百歲之眉壽續太上之脩
齡中宮受滋至之休聖子神孫之千億老身
備康寧之福目視耳聽之聰明更酌餘波回
霜華土歲有豐登之瑞人無疵癘之憂諒鑒
丹衷懷垂洪佑

第二醮意

同前

第二醮詞

精白一心不遑再三之告宵蒼萬里必蒙降
鑒之明伏念妾誕育聖躬宅等宮壺享萬國
歡心之養寶九清垂祐之私迺捐服用之餘
資祇款仙靈之秘宇輒伸悃悃少答生成恭
演真科聖位十周天之變用增詹筭神人三
高嶽之呼椒房忘夢日之祥晚景續如川之

青更貨道陰虜被群生師混元之人早契飛昇之妙樂瞿曇之士速登圓覺之門四時有玉燭之調百穀獲金穰之兆惟大圓之從欲遂小己之陳辭不勝依歸諒垂昭鑒

保邊祝版

陸王

隆興二年歲次甲申十一月壬午朔二十八日己酉

嗣天子臣某伏為邊鄙敕寧朝廷用兵乞賜陰助謹遣降授左朝散大夫敷文閣待制知江州軍州事賜紫金魚袋臣唐文若敢昭薦于太平興國宮

九天採訪應元保運真君伏以妖孽侵邊尚肆虐劉之虐師徒駐野未收攘却之功敢布忱誠仰干英鑒冀靈威之佑助無妖祲之結蟪尚饗

賜靈澤龍廟額

嘉泰四年正月準尚書省牒禮部狀準都省批下江西轉運使司狀據江州申據德化縣申據管屬進士劉揆等竊見太平興國宮宮後三山澗龍潭遠近百姓祈求雨澤感應顯

著前政知州王容在任兩年過早祈禱雨澤隨降嘉泰元年六月不雨本州遂委本縣主簿常權躬詣龍潭迎請聖水奉安設醮醮未畢雨大作槁苗渟與歲成大稔本州遂於龍潭建立廟祠崇奉乞封爵廟額本司委興國軍永興縣丞上官世勣躬親詢究再委隆興府奉新縣主簿孫仁覆實上件靈蹟委有恩惠澤及生民保明詣實伏候勅旨後批送部勘當申尚書省尋行下太常寺勘當去後據申檢準建炎三年正月六日已降指揮節文神祠遇有靈應即先賜額并淳熙十四年六月十九日已降指揮節文今後神祠祈禱應驗今諸路運司依條保奏取旨加封本寺照得今來本路轉運司已依條差官詢究覆實保奏了當應得加封條法今勘當乞從已降指揮合先賜廟額合行降勅伏乞省部備申朝廷取旨加封施行申部本部今勘當欲從太常寺勘當到事理施行伏候指揮奉勅宜賜靈澤廟為額

保國祈嗣玉簡

維嘉熙元年歲次丁酉十月己卯朔十五日
癸巳

嗣天子臣某伏為保延國祚恭祈嗣緒敬肅
香信祇建沖科命道立二十一宵於江州太
平興國宮啓建靈寶道場一晝一夜滿散設
醮三百六十分位告盟天地誕集嘉祥謹依
舊式謹

九天採訪應元保運真君殿下投送金龍玉
簡欲冀至聖至真鑒此丹悃乞為騰奏上聞
九天臣伏以元儲虛位未開熊夢之祥邊閭
分屯尚調虎符之戍內欲隆於國本外思靖
於兵氛仰惟祖宗積累之難深切朝夕繼承
之懼是用肆類上帝徧禱名山願垂覆燾之
仁宏賜扶持之力得男而應震索茂延百世
之期偃武而致太平坐底四方之治保基圖
於華固措民物於教寧祇近靈休永依大道
臣某無任懇禱之至

陳乞加封奏狀

臣熊中甲謹瀝愚衷仰干天聰退思僭越甘
伏典刑竊念臣山林仄槁雲水單瓢身與世

以漂流志因時而感激伏睹江州廬山

九天採訪應元保運真君上自三皇五帝下
至于唐遂代易名顯靈降社主天地國家之
歷數掌祖宗儲嗣之符圖在昔賜額撥田褒
封祈禱具有成典至於穰穰水旱捍戢兵戈
應感靈驗載諸碑記真君顯靈之初有語曰
後五百年福及生靈保安國祚揆今五百八
年無有以徹淵聽者重念臣本儒家子父命
入山蒙恩服羽奉真君香火餘五十年誤叨
住持以來剔蠹革弊一新福庭表率羽流祝
延聖壽凡歲之豐凶民之疾苦夙夜齊心精
白祈禱務求感應仰贊明時臣雖非官守言
責者比而憂國愛君出於天性敢致叩聞之
請庸醅懇闕之心謹纂集廬山古碑舊記所
載九天採訪應元保運真君在本朝靈驗事
跡彰彰在人耳目者編次為六一曰初始源
流二曰宅靈始末三曰崇奉昇則四曰褒嘉
典故五曰像設儀制六曰感應靈異繕寫為
一冊用黃羅囊封隨狀上進伏望陛下少賜
采覽體祖宗崇信之意為社稷靈長之謀謹

故事於往時舉曠儀於今日應元有自復太平興國之風保運無窮叶壽富多男之祝皇圖華固邊侵澄清臣不避鼎鑊之誅謹具奏聞俯伏闕庭伏望聖慈特賜睿旨付尚書省檢尋舊規加封真君徽號降香廬山太平興國宮設醮陳詞穰兵弭寇以應五百年福及生靈之運丕衍億萬載無疆之休臣冒犯天威罪當萬死謹錄奏聞伏候勅旨

嘉熙二年八月日

無旨

嗣天子至某代為宋國少寧邊垂侵擾師徒久戍未收懷卸之功宵旰靡寧敢忘禱祈之請謹遣上清大洞經錄道士熊守中齋香信詣廬山太平興國宮開壇獻事拜伏寶章上通宸極以用饗兵弭寇保國寧邦欽惟

九天採訪應元保運真君開治廬山之始預祈國祚之安五百年福反生靈適當此數億萬載垂休宗社克保將來伏願九天助順三境昭臨消禍亂以康時弭干戈於不戰更冀雨暘時若年穀豐登萬民無疵癘之災四海

樂昇平之化

上帝青詞

皇天無親固惟德而是輔至道有要必自誠之可通爰命羽流虔伸丹悃邊陲騷擾燧燧因仍內貽宵旰之憂外積干戈之慘薦頻繁而請禱望穹昊以據誠伏願天道宜還人心從欲俯回洪造溥施下濟之仁申命真司盡被好生之德

真君青詞

嗣守丕圖昧攸司之疎曠適丁多事感成典之昭彰受命羽流旋申祀事十三帝尊崇綽禮豈不偉哉五百年福反生靈今其時矣誓堅香火永答神休兵革侵疆師徒羣野四蜀長淮之慘酷痛徹此心九州率土之威儀合歸中國恭惟

九天採訪應元保運真君闡至靈於前古隆徽號於本朝當瑞命之應期符生靈之積望雷行號令速掃妖氛日扇祥風將安善類

加封誥詞

中書門下省禮部狀準嘉熙四年四月十四